



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU HRVATSKE NARODNE ZAJEDNICE

Broj: 03-07-6-98/10  
Sarajevo, 14. februar 2011. godine

## S A D R Ž A J:

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE REVIZIJE .....	5
5. NALAZI I PREPORUKE .....	5
5.1. NALAZI .....	5
5.2. PREPORUKE .....	6

## **MIŠLJENJE REVIZORA**

Služba za reviziju finansijskog poslovanja izvršila je pregled godišnjeg finansijskog izvještaja za 2009. godinu Hrvatske narodne zajednice.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Na osnovu našeg pregleda, odnosno kontrole godišnjeg finansijskog izvještaja utvrđeno je da je Hrvatska narodna zajednica prekršila odredbe člana 3. stav (1) i člana 11. stav (3) Zakona o finansiranju političkih stranaka, jer je ostvarila prihod od imovine koja nije u njenom vlasništvu i izvještaj nije popunila u skladu sa Pravilnikom o godišnjim finansijskim izvještajima političkih stranaka.**

**Pregledom, odnosno kontrolom godišnjeg finansijskog izvještaja, nismo zapazili ništa značajno, osim gornjih napomena, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja (u daljem tekstu: Služba za reviziju) je izvršila pregled godišnjeg finansijskog izvještaja za 2009. godinu Hrvatske narodne zajednice.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska narodna zajednica je ostvarila prihode u iznosu od 56.977,87 KM, čija struktura je data u sljedećoj tabeli<sup>1</sup>:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	354,03	0,62%
5	Prihodi od pravnih lica	0,00	0,00%
6	Prihodi od poklona	0,00	0,00%
7	Prihodi iz budžeta	56.623,84	99,38%
	Ostali prihodi	0,00	0,00%
	<b>Ukupni prihodi:</b>	<b>56.977,87</b>	<b>100,00%</b>

U godišnjem finansijskom izvještaju Hrvatska narodna zajednica je ostvarila ukupne rashode u iznosu 51.354,79 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska narodna zajednica. Skraćeni naziv stranke je HNZ.

Hrvatska narodna zajednica je dana 05.09.1998. godine registrovana u Kantonalnom sudu u Sarajevu pod brojem RI-6/98.

Sjedište političke stranke je u Sarajevu, ulica Titova 9a.

Za zastupanje stranke ovlašten je prof.dr. Milenko Brkić, predsjednik.

Lice ovlašteno za podnošenje finansijskih izvještaja za 2009. godinu je Bernarda Nosse.

Prema podacima iz godišnjeg finansijskog izvještaja za 2009. godinu, Hrvatska narodna zajednica ima sljedeće organizacione dijelove:

- Središnjica HNZ Sarajevo,
- 2 kantonalna odbora,
- 2 gradska odbora, i
- 3 općinska odbora.

<sup>1</sup> Stranka je vršila korekcije godišnjeg finansijskog izvještaja za 2009. godinu dva puta. Podaci koji su iskazani u tabeli preuzeti su iz korigovanog godišnjeg finansijskog izvještaja HNZ-a za 2009. godinu, u kome je stranka, u skladu sa odredbama člana 13. stav (3) Zakona o finansiranju političkih stranaka dobrovoljno otklonila nedostatke i isti Centralnoj izbornoj komisiji BiH dostavila 30.06.2010. godine.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatske narodne zajednice za 2009. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Hrvatske narodne zajednice obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

### 4. PRETHODNE REVIZIJE

U prethodnom periodu izvršen je pregled godišnjih finansijskih izvještaja Hrvatske narodne zajednice za 2005., 2006. i 2008. godinu, nakon kojih su izdati izvještaji o pregledu sa mišljenjem revizora, nalazima i preporukama revizije. Takođe, Služba za reviziju je obavila reviziju godišnjeg finansijskog izvještaja Hrvatske narodne zajednice za 2007. godinu. Nakon obavljenih pregleda, odnosno revizije finansijskih izvještaja Hrvatske narodne zajednice, izdati su izvještaji sa mišljenjem da stranka nije postupala u skladu sa odredbama člana 3. stav (1), člana 8. stav (1) i člana 11. stav (1) i stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

#### Nerealizovane preporuke

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka i dalje krši odredbe člana 3. stav (1) i člana 11. stav (3) Zakona o finansiranju političkih stranaka.

### 5. NALAZI I PREPORUKE

#### 5.1. NALAZI

- a) Pregledom godišnjeg finansijskog izvještaja utvrđeno je da je Hrvatska narodna zajednica prekršila odredbe člana 3. stav (1) Zakona o finansiranju političkih stranaka<sup>2</sup>.**

Na osnovu obavljene kontrole godišnjeg finansijskog izvještaja i poslovnih knjiga stranke, utvrđeno je da je Gradski odbor HNZ-a Banja Luka u 2009. godini, iznajmio prostor koji nije u vlasništvu stranke i na taj način ostvario prihod u iznosu od 200,00 KM. Naime, uvidom u finansijsku dokumentaciju (izvod Kantonalnog odbora HNZ-a), utvrđeno je da je Hrvatska narodna zajednica od

---

<sup>2</sup> Politička stranka može osigurati sredstva iz: a) članarina; b) priloga pravnih i fizičkih lica; c) prihoda od imovine u vlasništvu stranke; d) budžeta BiH za finansiranje parlamentarnih grupa u skladu s članom 10. Zakona o finansiranju političkih stranaka, kao i iz entitetskih budžeta i svih njihovih nižih organizacionih jedinica u skladu s entitetskim zakonima; e) dobiti od prihoda preduzeća u vlasništvu političke stranke.

Udruga Hrvatski radiša Banja Luka, dana 03.11.2009. godine, naplatila zakup prostora u iznosu od 200,00 KM. Na taj način stranka je ostvarila prihod od imovine koja nije u njenom vlasništvu, suprotno odredbama člana 3. stav (1) Zakona o finansiranju političkih stranaka.

**b) Pregledom godišnjeg finansijskog izvještaja utvrđeno je da je stranka prekršila odredbe člana 11. stav (3) Zakona o finansiranju političkih stranaka.<sup>3</sup>**

Na osnovu obavljene kontrole godišnjeg finansijskog izvještaja utvrđeno je da na obrascu 4-1 finansijskog izvještaja (Režijsko-administrativni i ostali troškovi), stranka nije iskazala troškove zakupnine za poslovne prostorije koje koriste pojedinačno organizacioni dijelovi stranke. Naime, stranka na obrascu 4-1 nije iskazala trošak zakupa raspoređen po odborima, nego je iskazala trošak zakupa kao trošak Središnjice HNZ-a u iznosu od 11.760,00 KM, što je suprotno odredbama člana 21. Pravilnika o godišnjim finansijskim izvještajima političkih stranaka<sup>4</sup>.

## 5.2. PREPORUKE

*Preporučuje se Hrvatskoj narodnoj zajednici da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da postupa u skladu sa odredbama člana 3. stav (1) i člana 11. stav (3) Zakona o finansiranju političkih stranaka, odnosno*
  - *da se finansira u skladu sa Zakonom o finansiranju političkih stranaka i*
  - *da finansijske izvještaje koje podnosi Centralnoj izbornoj komisiji BiH sačinjava u skladu sa Pravilnikom o godišnjim finansijskim izvještajima političkih stranaka.*

## KOMENTAR

U ostavljenom roku, Hrvatska narodna zajednica očitovala se aktom od 26.01.2011. godine na Preliminarni izvještaj o pregledu godišnjeg finansijskog izvještaja za 2009. godinu. Obzirom na to da nisu dostavljeni argumentovani relevantni dokazi koji bi uticali na nalaze i mišljenje dato u Preliminarnom izvještaju o pregledu godišnjeg finansijskog izvještaja za 2009. godinu, nalazi i mišljenje koji se odnose na odredbe člana 3. stav (1) i člana 11. stav (3) Zakona o finansiranju političkih stranaka ostaju nepromijenjeni.

Mr. Hasida Gušić, šef Službe za reviziju

Veliborka Kravljača, revizor

Anela Burdžović Kapić, pomoćnik revizora

---

<sup>3</sup> Do 31.03. naredne godine političke partije podnose finansijski izvještaju formi koju odobri Centralna izborna komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma i način i drugi detalji izvještavanja.

<sup>4</sup> U skladu sa članom 21. Pravilnika o godišnjim finansijskim izvještajima političkih stranaka u obrazac 4-1 – Režijsko-administrativni i ostali troškovi, unose se svi troškovi osim troškova propagande, i sljedeći podaci: naziv organizacionog dijela političke stranke, vrsta troška, konto i iznos.